

Starfsáætlun Leikgarðs

Umsögn foreldraráðs

Fyrir skólaárið 2013 - 2014

Foreldraráð leikskólans skipa:

Jóna Bök Viðarsdóttir
Kristjana Pálsdóttir
Sirrý Sif Sigurlaugardóttir
Þórhildur Magnúsdóttir
Berglind Hermannsdóttir
Inga Berg Gísladóttir
Íris Eva Gísladóttir

Um starfsáætlun leikskóla

Samkvæmt lögum um leikskóla nr. 90/2008 vinna leikskólar eftir aðalnámskrá fyrir leikskóla. Samkvæmt henni vinnur hver og einn leikskóli upp sína skólanámskrá þar sem fram kemur á hvern hátt leikskólinn uppfyllir þau viðmið sem þar eru sett fram.

Leikskólar gera starfsáætlun þar sem fjallað er um árlega starfsemi leikskólans, birt skóladagatal og ýmsar aðrar hagnýtar upplýsingar um skólahald hver leikskóla. Áætlunin þarf að fá umsögn foreldraráðs áður en skóla- og frístundaráð tekur hana til afgreiðslu samkvæmt lögum um leikskóla.

Tilgangur starfsáætlunar er að gera skólaþróun leikskólans markvissa með árangursmiðuðum markmiðum og umbótamiðuðu innra mati. Hún á að sýna starfsfólki, foreldrum og rekstraraðilum hvernig starf leikskólans gekk á síðasta leikskólaári og hvernig unnið verði að umbótum og nýjum verkefnum á því næsta.

Í starfsáætlun leikskólans skulu koma fram:

- Matsaðferðir leikskólans og umbótamiðuð áætlun sem unnin er út frá niðurstöðum innra og ytra mats.
- Áherslur í leikskólastarfinu sem ætlunin er að vinna að, markmið, leiðir að markmiðunum áætlun um hvernig þau verða metin.
- Áherslur í starfsáætlun Leikskólasviðs sem leikskólinn vinnur að.
- Starfþróunaráætlun leikskólans og upplýsingar um starfsmannamál.
- Fjöldi barna, kynjahlutfall, dvalarstundir, fjöldi barna sem njóta sérkennslu og fjöldi barna af erlendum uppruna.
- Upplýsingar um foreldraráð, foreldrafundi og foreldraviðtöl.
- Skóladagatal fyrir árið.

Starfsáætlun leikskólans tekur gildi 1. september ár hvert og skal skilað rafrænt til Leikskólasviðs fyrir 1. júlí. Starfsáætlanir eru lagðar fyrir Leikskólaráð til samþykktar.

Hlutverk foreldraráðs

Samkvæmt 11.gr. laga um leikskóla frá 2008 er hlutverk foreldraráðs að gefa umsagnir til leikskóla og nefndar, sbr. 2. mgr. 4. gr., um skólanámskrá og aðrar áætlanir sem varða starfsemi leikskólans. Þá skal ráðið fylgjast með framkvæmd skólanámskrár og annarra áætlana innan leikskólans og kynningu þeirra fyrir foreldrum. Foreldraráð hefur umsagnarrétt um allar meiri háttar breytingar á leikskólastarfi.

Umsögn foreldraráðs:

Starfsáætlun leikskólans Leikgarðs er vel unnin og yfirgripsmikil. Allir þeir þættir sem skylt er að greina frá koma fram og er greint skilmerkilega frá. Verkefnaáætlun er afar metnaðarfull og ítarleg. Við teljum mikilvægt að framfylgja henni eftir allra bestu getu. Vinna við nýja skólanámskrá er grundvallaratriði sem skiptir höfuðmáli í starfi leikskólans, við finnum að það er metnaður fyrir því að vanda til verka við þá vinnu hjá stjórnendum skólans.

Leikskólinn starfar samkvæmt HighScope stefnunni. Mikið virðist vera lagt upp úr því að starfsmenn séu vel hjálfaðir í framkvæmd stefnunnar og sem er afar jákvætt og gott að starfsdagar séu nýttir til þess að skerpa á stefnunni. Það innra mat sem er framkvæmt virðist vera gott og skila því sem það á að skila, gott er að sjá aðhaldið sem í því felst og að stefnt sé að því að lagfæra það sem úr má bæta. Gott væri að niðurstöður úr ytra mati væru gerðar aðgengilegar foreldrum.

Iðjuskráning barnanna er afar spennandi viðfangsefni og mikilvægt að því sé fylgt vel eftir. Áhugavert væri fyrir foreldra að fá að fylgjast með skráningunni til dæmis mánaðarlega. Við teljum þetta atriði afar mikilvægt þar sem að með þessu hægt að fylgjast með þroska barnanna og hversu mikið þau njóta sín í leikskólanum. Börnin eru það lítil og geta ekki tjáð foreldrum sínum hvað þau hafa fyrir stafni dag frá degi, því getur iðjuskráningin gefið foreldrum innsýn í skólastarf barnanna sinna.

Það virðist vel hlúð að starfsfólki. Þeim er gert kleift að stunda símenntun, fá starfsþróunarsamtöl og þau hvött til þess að tjá sig, segja sínar skoðanir og þróa sig áfram í starfi. Mikilvægt er að halda góðum starfsanda því það skilar sér svo sannarlega til barnanna okkar. Þrátt fyrir góða mönnun kom það okkur á óvart að einungis 3 leikskólakennarar starfa inná deildum skólans, auk tveggja leikskólaliða, en ef til vill er það eðlilegt hlutfall fagmenntaðra.

Leikskólinn Leikgarður er góður staður þar sem vel er hugsað um börnin okkar og fólki líður vel með að treysta starfsfólki skólans fyrir börnunum sínum og vita að þau eru í góðum höndum.

